

Dialog 1

Nina	Hey Lisa, tgei eis ei cun tei? Ti paras vilada.
Lisa	Mes geniturs vulan far in'excursiun sonda.
Nina	E tgei ei il problem?
Lisa	Quei munta ch'jeu stoi levar dallas tschun la sond'endamaun.
Nina	Mo venderdis sera ei gie la fiasta da natalezi da Nora.
Lisa	Gie exact, perquei sun jeu gie era aschi vilada. Ella entscheiva pér dallas nov ed jeu astgel star mo tochen las diesch.
Nina	Hmmm, quei ei propi tup.
Lisa	Gie, jeu erel selegrada aschi fetg sin quella fiasta!
Nina	San tes geniturs buc ir senza tei? Lu savesses ti durmir tier mei!
Lisa	Jeu sai inaga dumandar, mo jeu hai buc gronda speranza. Engraziel tuttina, Nina!

Dialog 2

David	Hey Marcus, tut en uorden?
Marcus	Oooh Buc damonda! Jeu sun aschi staunchels!
David	Staunchels? Daco, has durmiu mal?
Marcus	Atgnamein buc, mo oz endamaun hai jeu bunamein buc udiu il svegliarin ed jeu sun era strusch vegnius ord letg.
David	Gie, quei enconuschel jeu. Eis lu ius tard a letg ier sera?
Marcus	Gie ... la sera hai jeu buc fin. Jeu hai ier aunc mirau in film e suenter legiu tochen las duas.
David	Hai, ti eis il dètg bau dalla notg. Jeu stoi durmir silmeins otg uras per esser fits.
Marcus	Propi? Jeu drovel buc tonta sien Mo questa sera mon jeu era pli baul a letg!

Dialog 3

Daria	Hallo Andrin, co vai?
Andrin	Hmmmmmm ...
Daria	Tgei eis ei cun tei?
Andrin	Ah nuot.
Daria	Uss di schon, Andrin. Ti eis frustraust, quei ves'jeu gie. Tgei eis ei schabegiau?
Andrin	Gie, ok. Jeu hai fatg in da treis en geografia.
Daria	Has lu buc empriu avunda?
Andrin	Bein, jeu hai empriu mintga sera, mo ei ha buc gidau.
Daria	Hmmm, lu capeschel jeu che ti eis frustraust. Sche ti vul, savein nus emprender ensemen l'autra ga.
Andrin	Gie, quei ei ina bun'idea. Engraziel, Daria!

Dialog 4

Mael	Hey Nicole, co has?
Nicole	Hallo Mael, bien, engraziel! Jeu sun grad aschi ventireivla.
Mael	Daco?
Nicole	Jeu hai ier sera piars mia buorsa. E gest avon hai jeu puspei anflau ella.
Mael	Oh, super! Nua era ella lu?
Nicole	Jeu vevel emblidau ella en stizun. Tgei cletg veva enzatgi dau giu ella alla cassa!
Mael	Vevas bia daners ella buorsa?
Nicole	Gie, entuorn duatschien francs.
Mael	Ui! Gie, lu has ti propi giu cletgun!
Nicole	Gie! Neu, lein ir a beiber in. Jeu paghel.

Dialog 5

Irina	Hallo Lena, co has?
Lena	Hallo Irina, jeu sun leda da veser tei.
Irina	Ti vesas ora tresta. Tgei eis ei schabegiau?
Lena	Gie, jeu savess mo pli bargir. Mia tatta ...
Irina	Tgei eis ei cun tia tatta?
Lena	Ella ei malsauna ed ha giu ina greva operaziun ier.
Irina	Oh na, jeu stun mal.
Lena	Tgei eis ei, sch'ella vegn buc pli sauna?
Irina	Jeu capeschel tei! Mo uss fai buc memia bia quitaus. Forsa ch'ella serevegn gie spert puspei.
Lena	Gie, quei sperel jeu fetg.
Irina	Jeu sun en mintga cass adina cheu, sche ti drovas zatgi da tschintschar.
Lena	Quei ei bi da tei. Engraziel fetg!

Dialog 6

Julia	Hallo Valentin, tgei fas?
Valentin	Hmm? Ah ... hallo Julia.
Julia	Vas era a casa? Lu savein nus ir ensemen.
Valentin	Ah, jeu sai buc ... Jeu spetgel enzatgi.
Julia	Tgei eis ei pomai cun tei? Ti eis gie tut nervus!
Valentin	Ah ...
Julia	Neu, di schon!
Valentin	Bien pia, mo ti astgas dir quei a negin! Jeu spetgel Luisa ...
Julia	Ah, essas vus uss finalmein ensemen?
Valentin	Hmmm, na, jeu sai buc.
Julia	Mo ti eis s'inamur aus da Luisa?
Valentin	Gie, schon ...
Julia	Ed ella ei era s'inamurada da tei?
Valentin	Hmmm, jeu sai buc. Mo ier sera ha ella scret a mi ch'ella stoppi tschintschar cun mei.
Julia	Ok, lu mon jeu uss meglier. Bien cletg a ti!
Valentin	Engraziel, Julia. Tochen damaun!